



სოციალური მომსახურების სააგენტო
SOCIAL SERVICE AGENCY

ელექტრონული ტენდერის
დოკუმენტაცია

სახელმწიფო პროგრამა - „დიალიზისა და თირკმლის ტრანსპლანტაცია“
თირკმლის ტერმინალური უკმარისობით დაავადებულთა უზრუნველსაყოფად
ფარმაცევტული პროდუქტის შესყიდვა

ანტიტრომბოციტული საშუალებები
(ჰეპარინი დაბალმოლეკულური)

CPV 33621100

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

თბილისი
2016 წელი

ს ა რ ჩ ე ვ ი

1. საკვალიფიკაციო მოთხოვნები
2. დამატებითი ინფორმაცია
3. ტექნიკური დავალება
4. სახელმწიფო შესყიდვების შესახებ ხელშეკრულების პროექტი
5. დანართი N1, რეკვიზიტები
6. დანართი N2, ფასების ცხრილი
7. დანართი N3, საბანკო გარანტიის ფორმა

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

ტექნიკური დოკუმენტაცია

1. პრეტენდენტის მიმართ დადგენილია შემდეგი საკვალიფიკაციო მოთხოვნები:

- 1.1. იურიდიული პირისთვის - ცნობა საჯარო რეესტრის ეროვნული სააგენტოდან, იმის თაობაზე, რომ არ მიმდინარეობს იურიდიული პირის რეორგანიზაცია ან ლიკვიდაცია.
- 1.2. ფიზიკური პირისათვის - ცნობა სათანადო დაწესებულებიდან, რომ არ მიმდინარეობს მის მიმართ გადახდისუუნარობის/გაკოტრების საქმის წარმოება.
- 1.3. არარეზიდენტი პირებმა პირველ პუნქტში მითითებული საკვალიფიკაციო მონაცემები უნდა წარმოადგინონ სათანადო უფლებამოსილი ორგანოდან, დადგენილი წესით დამოწმებული თარგმანის სახით - ლეგალიზებული ფორმა.
- 1.4. საკვალიფიკაციო მონაცემების დამადასტურებელი დოკუმენტები სათანადო უფლებამოსილი ორგანოდან გაცემული უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.
- 1.5. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოადგენს ხორციელდება სისტემის გამოყენებით შემსყიდველ ორგანიზაციის მოთხოვნიდან არა უმეტეს 5 (ხუთი) სამუშაო დღეში. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2. პრეტენდენტებმა სისტემის მეშვეობით უნდა წარმოადგინოს:

- 2.1. რეკვიზიტები დანართი №1-ის მიხედვით;
- 2.2. ფასების ცხრილი, დანართი №2-ის მიხედვით;
- 2.3. სამკურნალო საშუალების ხარისხის სერთიფიკატი (არსებობის შემთხვევაში);
- 2.4. მოსაწოდებელი მედიკამენტის დეტალური მახასიათებლები;
- 2.5. მედიკამენტების საქართველოში რეგისტრაციის დამადასტურებელი მოწმობა;
- 2.6. მედიკამენტის წარმოშობის სერთიფიკატი;
- 2.7. ინფორმაცია სამკურნალო საშუალების ვარგისიანობის ვადის შესახებ.

შენიშვნა: სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოადგენილი უნდა იქნას ქართულ ენაზე. უცხო ენაზე შედგენილი დოკუმენტები უნდა იყოს თარგმნილი ქართულ ენაზე და დამოწმებული სანოტარო წესით.

სატენდერო წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.

3 დამატებითი ინფორმაცია

- 3.1. სატენდერო წინადადების ღირებულება უნდა მოიცავდეს ამ ტენდერით გათვალისწინებული საქონლისა და მოწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, რომლის გადახდაც ეკისრება მიმწოდებელს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

4. საქონლის მიწოდება უნდა განხორციელდეს შემდეგი პირობების შესაბამისად:

- 4.1. ჰეპარინი დაბალმოლეკულური - არა უმეტეს 56 640 000 სე – არა უგვიანეს 2017 წლის 1 მარტისა;
- 4.2. საქონლის დარჩენილი რაოდენობის მიწოდება განხორციელდება ეტაპობრივად, შემსყიდველის წერილობითი მოთხოვნის შესაბამისად, ამასთან არაუგვიანეს 5 სამუშაო დღისა შეტყობინების მიღების დღიდან შემსყიდველის წერილობით მოთხოვნაში განსაზღვრული ვადა არ უნდა იყოს მიმწოდებლის მიერ წერილის მიღებიდან 5 სამუშაო დღეზე ნაკლები;
- 4.3. საქონლის მიწოდება ხორციელდება შემდეგი პირობით: Incoterms-2010-ის შესაბამისად, DDP პირობა, წინამდებარე სატენდერო დოკუმენტაციის 10.2. პუნქტით განსაზღვრული მისამართები.
5. სატენდერო წინადადების მთლიანი და ერთეულის ღირებულება წარმოდგენილი უნდა იყოს ეროვნულ ვალუტაში.
6. ანგარიშსწორება განხორციელდება უნაღდო ანგარიშსწორებით, ფაქტიურად მიწოდებული საქონლის შესაბამისად გაფორმებული მიღება-ჩაბარების აქტის გაფორმებიდან არა უგვიანეს 10 სამუშაო დღის განმავლობაში.
7. ტენდერში გამოიყენება ხელშეკრულების უზრუნველყოფის მექანიზმი. რისთვისაც გამარჯვებულმა კომპანიამ უნდა წარმოადგინოს საბანკო გარანტია ხელშეკრულების ღირებულების 2% ოდენობით.
8. ტენდერის სავარაუდო ღირებულება გაანგარიშებულია ტენდერის გამოცხადების დღისთვის (12.12.2016) საქართველოს ეროვნული ბანკის მიერ დადგენილი სავალუტო კურსის გათვალისწინებით - 1USD=2.6154GEL. ამასთან, მიმწოდებელთან ანგარიშსწორების

განხორციელების დღისთვის სავალუტო კურსის კლების (აშშ დოლართან მიმართებით ლარის გამყარების) შემთხვევაში, მიმწოდებელთან ანგარიშსწორება განხორციელდება დაკლებული (შემცირებული) კურსის შესაბამისად.

9. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან: სატენდერო კომისიის აპარატის წევრი: ირინე გობეჯიშვილი (მისამართზე: ქ. თბილისი, წერეთლის გამზ. N144) igobejishvili@ssa.gov.ge ტელ: 599225982

10. ტექნიკური დავალება

	მოსაწოდებელი საქონლის დასახელება	რაოდენობა (ს.ე.)	მიწოდების ადგილი	მიწოდების გრაფიკი
1	ჰეპარინი დაბალმოლეკულური	736 650 000	Incoterms-2010-ის შესაბამისად, DDP პირობა, სატენდერო დოკუმენტაციის 10.2. პუნქტით განსაზღვრული მისამართები	არაუმეტეს 56 640 000 სე – არა უგვიანეს 2017 წლის 1 მარტის საქონლის დარჩენილი რაოდენობის მიწოდება განხორციელდება ეტაპობრივად, შემსყიდველის წერილობითი მოთხოვნის შესაბამისად, ამასთან არაუგვიანეს 5 სამუშაო დღისა შეტყობინების მიღების დღიდან შემსყიდველის წერილობით მოთხოვნაში განსაზღვრული ვადა არ უნდა იყოს მიმწოდებლის მიერ წერილის მიღებიდან 5 სამუშაო დღეზე ნაკლები

სულ: 736 650 000 ს.ე.

10.1. ფარმაცევტული პროდუქტის ვარგისიანობის ვადა მოწოდების მომენტისათვის უნდა იყოს არანაკლებ 6 თვე.

10.2. მიმწოდებელმა საქონლის მიწოდება უნდა უზრუნველყოს შემდეგ მისამართებზე:

- ✓ ქ. თბილისი - ვაჟა-ფშაველას გამზ. N29, ლუბლიანას ქ. N2/6, ლუბლიანას ქ. N18/20, ჩაჩავას ქ. N5, წინანდლის ქ. N9 (ორი სამედიცინო დაწესებულება), თემქა მე-11მრ/რ I კვარტ. მე-5 მოლოკლინიკური საავადმყოფო;
- ✓ ქ. ქუთაისი - ჯავახიშვილის ქ. N85 ; გალაკტიონ ტაბიძის ქ. N72;
- ✓ ქ. ბათუმი - ტბეთის ქ. N5, აბუსერიძის ქ. N2; პუშკინის ქ. N118;
- ✓ ქ. გორი - ჭავჭავაძის ქ. N56;
- ✓ ქ. ზესტაფონი - უზნაძის ქ. N142;
- ✓ ქ. ზუგდიდი - გამსახურდიას ქ. N206;
- ✓ ქ. ბორჯომი - ვაშლოვანის ქ. N4;
- ✓ ქ. გურჯაანი - რუსთაველის ქ. N22
- ✓ ქ. მარნეული - 26 მაისის ქ. N80;
- ✓ ქ. რუსთავი - მე-7 მიკრორაიონი;
- ✓ ქ. ქობულეთი - მ. აბაშიძის ქ. N18;
- ✓ ქ. ხაშური - რუსთაველის ქ. N38
- ✓ ქ. ოზურგეთი - გ. ერისთავის ქ. N21;
- ✓ ქ. სამტრედია – ჭანტურიას ქ. N53
- ✓ ქ. ლაგოდეხი - სოფ. აფენი.

შენიშვნა:

ფარმაცევტული პროდუქტი შეიძლება წარმოდგენილი იქნეს საქართველოში რეგისტრირებული ნებისმიერი შეფუთვით.

შემოთავაზებული ფარმაცევტული პროდუქტი უნდა იყოს რეგისტრირებული საქართველოს მთავრობის 2009 წლის 22 ოქტომბრის №188 დადგენილების დანართში აღნიშნული ქვეყნების ფარმაცევტული პროდუქტების მარეგულირებელი სახელმწიფო ორგანოების მიერ ან/და წარმოდგენილი უნდა იყოს ფარმაცევტული პროდუქტის სერტიფიკატი (CPP), გაცემული საქართველოს მთავრობის 2009 წლის 22 ოქტომბრის №188 დადგენილების დანართში აღნიშნული ქვეყნების ფარმაცევტული პროდუქტის მარეგულირებელი სახელმწიფო ორგანოების მიერ, რომლითაც დასტურდება, რომ ფარმაცევტული პროდუქტი დაშვებულია საქართველოს მთავრობის 2009 წლის 22 ოქტომბრის №188 დადგენილებაში მითითებული რომელიმე ქვეყნის ბაზარზე.

ხელშეკრულება N-----

სახელმწიფო შესყიდვის შესახებ

(წინამდებარე ხელშეკრულების პროექტი ატარებს ნიმუშის ხასიათს და მისი საბოლოოდ შეჯერება მოხდება მიმწოდებელთან ხელშეკრულების დადების პროცესში სატენდერო დოკუმენტაციისა და მიმწოდებლის სატენდერო წინადადების გათვალისწინებით)

თბილისი

„-----“ „-----“ 2016 წ.

1. ხელშეკრულების მხარეები

1.1. ერთი მხრივ, სსიპ - სოციალური მომსახურების სააგენტო (შემდგომში - „შემსყიდველი“), წარმოდგენილი მისი დირექტორის ზაზა სოფრომაძის სახით და მეორე მხრივ, --- (შემდგომში - „მიმწოდებელი“) წარმოდგენილი მისი დირექტორის ----- სახით, (ორივე ერთად წოდებული - „მხარეებად“), „სახელმწიფო შესყიდვების შესახებ“ საქართველოს კანონის და პრეტენდენტის (-----) სატენდერო წინადადების საფუძველზე, SPA---- ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი

2.1. „დიალიზისა და თირკმლის ტრანსპლანტაციის“ სახელმწიფო პროგრამის ფარგლებში „ჰემო და პერიტონეული დიალიზისათვის საჭირო სადიალიზე საშუალებების, მასალისა და მედიკამენტების შესყიდვისა და მიწოდების“ კომპონენტის (შემდგომში - „კომპონენტი“) ფარგლებში, თირკმლის ტერმინალური უკმარისობით დაავადებულთა ფარმაცევტული პროდუქტის - --- (შემდგომში - „სამკურნალო საშუალება“ ან „მედიკამენტი“ ან „საქონელი“ ან „შესყიდვის ობიექტი“) სახელმწიფო შესყიდვა (CPV 33621100).

2.2. მოსაწოდებელი სამკურნალო საშუალების დასახელება, საერთო რაოდენობა, ერთეულისა და საერთო ფასი, მოწოდების ადგილი და ვადები მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს -----ლარს.

3.2. ხელშეკრულების საერთო ღირებულება მოიცავს საქართველოს მოქმედი კანონმდებლობით დადგენილ ყველა გადასახადს, ასევე შეფუთვის, მარკირების, დაზღვევისა და ყველა სხვა თანმდევ ხარჯებს, რომლის გადახდა ეკისრება „მიმწოდებელს“.

4. შეფუთვა

4.1. მოსაწოდებელი საქონელი შეფუთული უნდა იყოს შესაბამისი ნორმების დაცვით.

4.2. „მიმწოდებელი“ პასუხისმგებელია „შემსყიდველის“ წინაშე საქონლის ნებისმიერი სახის დაზიანების შემთხვევაში, რისთვისაც „მიმწოდებელმა“ უნდა უზრუნველყოს საქონლის სრული უსაფრთხოება ტრანსპორტირებისას, შესაძლო დაზიანებისა და გაფუჭებისგან.

5. საქონლის მიწოდების პირობები

5.1. საქონლის მიწოდება განხორციელდება შემდეგი პირობების შესაბამისად:

5.1.1. ჰეპარინი დაბალმოლეკულური - არა უმეტეს 56 640 000 სე – არა უგვიანეს 2017 წლის 1 მარტისა;

5.1.2. საქონლის დარჩენილი რაოდენობის მიწოდება განხორციელდება ეტაპობრივად, შემსყიდველის წერილობითი მოთხოვნის შესაბამისად, ამასთან არაუგვიანეს 5 სამუშაო დღისა შეტყობინების მიღების დღიდან შემსყიდველის წერილობითი მოთხოვნაში განსაზღვრული ვადა არ უნდა იყოს მიმწოდებლის მიერ წერილის მიღებიდან 5 სამუშაო დღეზე ნაკლები;

5.1.3. „საქონლის“ მიწოდება განხორციელდება Incoterms-2010, DDP პირობით, „შემსყიდველის“ მიერ მითითებულ მისამართებზე. მედიკამენტის მიწოდების ადგილი (მისამართები) განსაზღვრულია წინამდებარე ხელშეკრულების N2 დანართით, რომელიც დაერთვის ხელშეკრულებას და წარმოადგენს მის განუყოფელ ნაწილს.

5.2. საქონელზე ყველა რისკი და უფლება გადადის „მიმწოდებლიდან“ „შემსყიდველის“ მიერ მოთხოვნაში მითითებულ „კომპონენტის“ შემსრულებელ სამედიცინო დაწესებულებაზე (შემდგომში - „სამედიცინო დაწესებულება“ ან „სამედიცინო დაწესებულებები“), „მიმწოდებელსა“ და „სამედიცინო დაწესებულებას“ შორის მიღება-ჩაბარების აქტის გაფორმებისთანავე.

5.3. „მიმწოდებელი“ საკუთარი ხარჯით უზრუნველყოფს საქონლის მიწოდებას „შემსყიდველის“ მიერ მითითებულ „სამედიცინო დაწესებულებებზე“.

5.4. წუნდებული (ხელშეკრულების პირობებთან შეუსაბამო) საქონლის მიწოდების შემთხვევაში, „მიმწოდებელი“ ვალდებულია საქონლის წუნდების შესახებ დასაბუთებული შეტყობინების მიღებიდან არა უგვიანეს 30 (ოცდაათი) კალენდარული დღისა, განახორციელოს წუნდებული საქონლის შეცვლა „შემსყიდველის“ მხრიდან რაიმე დამატებითი დანახარჯის გაწევის გარეშე. აღნიშნული პასუხისმგებლობა არ ვრცელდება იმ შემთხვევებზე, როდესაც საქონლის წუნდება გამოწვეულია „სამედიცინო დაწესებულებების“ მხრიდან შენახვის პირობების დარღვევით.

6. სამკურნალო საშუალების ვარგისიანობის ვადა

6.1. მოსაწოდებელი სამკურნალო საშუალების ვარგისიანობის ვადა არ უნდა იყოს 6 (ექვსი) კალენდარულ თვეზე ნაკლები, წინამდებარე ხელშეკრულების 5.2. პუნქტით გათვალისწინებული მიღება-ჩაბარების აქტის გაფორმების მომენტიდან.

7. შესყიდვის ობიექტის მიღება-ჩაბარების წესი

7.1. საქონლის მიწოდება ფორმდება მიღება-ჩაბარების აქტით. მიღება-ჩაბარების აქტ(ებ)ს „შემსყიდველის“ მხრიდან ხელს აწერს სათანადოდ უფლებამოსილი წარმომადგენელი, ხოლო „მიმწოდებლის“ მხრიდან - მის მიერ უფლებამოსილი პირი.

7.2. შესყიდვის ობიექტის მიღება-ჩაბარებისათვის, მიწოდების დასრულებიდან 10 (ათი) სამუშაო დღის განმავლობაში, „მიმწოდებელმა“ უნდა წარმოადგინოს „სამედიცინო დაწესებულებების“ უფლებამოსილი წარმომადგენლის მიერ ხელმოწერილი მიღება-ჩაბარების აქტი, სასაქონლო ზედნადები ან/და გასავლის ზედდებული მიწოდებული საქონლის დასახელების, რაოდენობის, ერთეულის ფასის და

საერთო ღირებულების მითითებით, ასევე მიწოდებული საქონლის ხარისხის ან/და ანალიზის სერთიფიკატი და სერიის აღრიცხვის ფორმა.

7.3. „მიმწოდებელმა“ უნდა უზრუნველყოს „შემსყიდველისათვის“ 7.2. პუნქტში ჩამოთვლილი დოკუმენტის წარდგენა. პასუხისმგებლობა „შემსყიდველის“ მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისთვის ეკისრება „მიმწოდებელს“.

8. ანგარიშსწორება

8.1. ანგარიშსწორებისათვის „მიმწოდებელმა“ შემსყიდველს უნდა წარუდგინოს ამ ხელშეკრულების 7.2. პუნქტში მითითებული დოკუმენტები, რის საფუძველზეც ფორმდება მიღება-ჩაბარების აქტი.

8.2. ანგარიშსწორება განხორციელდება „მიმწოდებელსა“ და „შემსყიდველს“ შორის მიღება-ჩაბარების აქტის გაფორმებიდან 10 (ათი) სამუშაო დღის ვადაში.

8.3. ანგარიშსწორების ფორმა იქნება: უნაღდო ანგარიშსწორება, ეროვნულ ვალუტაში - ლარში.

8.4. ანგარიშსწორება განხორციელდება ანგარიშსწორების დღისთვის საქართველოს ეროვნული ბანკის მიერ დადგენილი ლარის ოფიციალური გაცვლითი კურსის შესაბამისად.

8.5. SPA---- ტენდერის სავარაუდო ღირებულება გაანგარიშებულია ტენდერის გამოცხადების დღისთვის (.12.2016) საქართველოს ეროვნული ბანკის მიერ დადგენილი სავალუტო კურსის გათვალისწინებით - 1USD=---GEL. ამასთან, მიმწოდებელთან ანგარიშსწორების განხორციელების დღისთვის სავალუტო კურსის კლების (აშშ დოლართან მიმართებით ლარის გამყარების) შემთხვევაში, მიმწოდებელთან ანგარიშსწორება განხორციელდება დაკლებული (შემცირებული) კურსის შესაბამისად.

9. მხარეთა უფლება-მოვალეობანი

9.1. „მიმწოდებელი“ ვალდებულია:

9.1.1. ზედმიწევნით დაიცვას წინამდებარე ხელშეკრულებით გათვალისწინებული პირობები;

9.1.2. უზრუნველყოს ამ ხელშეკრულებით განსაზღვრული „მედიკამენტის“ მიწოდება „შემსყიდველის“ მიერ მითითებულ მისამართებზე („სამედიცინო დაწესებულებებზე“);

9.1.3. „შემსყიდველის“ მოთხოვნის შემთხვევაში, მიაწოდოს მას ნებისმიერი ინფორმაცია თუ დოკუმენტი, რაც უკავშირდება 2.1. პუნქტით გათვალისწინებული პროგრამის ადმინისტრირებას და/ან 9.2.1. პუნქტით გათვალისწინებული ვალდებულების შესრულებას;

9.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.1.5. ხელშეკრულებით გათვალისწინებული საქონლის მიწოდება განახორციელოს საქართველოს მოქმედი კანონმდებლობით დადგენილი მოთხოვნების სრული დაცვით, წინააღმდეგ შემთხვევაში სრული პასუხისმგებლობა ეკისრება „მიმწოდებელს“.

9.1.5. წინამდებარე ხელშეკრულებით დადგენილი მიწოდების ვადების დარღვევის შემთხვევაში, გადაიხადოს ამავე ხელშეკრულებით განსაზღვრული პირგასამტეხლო, სრული მოცულობით.

9.2. „შემსყიდველი“ ვალდებულია:

9.2.1. ამ ხელშეკრულების მე-8 მუხლის შესაბამისად, უზრუნველყოს „მიმწოდებლის“ დროული ანაზღაურება;

9.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.3. „მიმწოდებელი“ უფლებამოსილია, ხელშეკრულების ფარგლებში, მოითხოვოს დროული და სრული ანაზღაურება.

9.4. „შემსყიდველს“ უფლება აქვს:

9.4.1. „მედიკამენტის“ განლაგების ადგილას პერიოდულად, წარმოქმნილი საჭიროებიდან გამომდინარე, განახორციელოს ინსპექტირება (ხელშეკრულებით განსაზღვრული პირობების შესრულების შემოწმება), როგორც უფლებამოსილი წარმომადგენლის, ისე შემმოწმებელი ჯგუფის მეშვეობით. უფლებამოსილ წარმომადგენელ(ებს) და/ან შემმოწმებელი ჯგუფის შემადგენლობას განსაზღვრავს „შემსყიდველი“. შემმოწმებელი ჯგუფი შეიძლება შედგებოდეს (წარმოადგენდეს) როგორც „შემსყიდველის“ თანამშრომლების, ისე „შემსყიდველის“ მიერ დაქირავებული პირებისაგან.

9.4.2. შეწყვიტოს ხელშეკრულება „მედიკამენტის“ ხარისხის და/ან მიწოდების პირობების გაუარესების გამო;

9.4.3. არ აუნაზღაუროს „მიმწოდებელს“ ამ ხელშეკრულების პირობების დარღვევით მოწოდებული (წუნდებული) „საქონლის“ ღირებულება და მოსთხოვოს მას იმოქმედოს, წინამდებარე ხელშეკრულების 5.4. პუნქტის შესაბამისად და მოსთხოვოს მიმწოდებელს პირგასამტეხლოს გადახდა წინამდებარე ხელშეკრულების 11.1 პუნქტის შესაბამისად;

9.4.4. მოთხოვოს „მიმწოდებელს“ წინამდებარე ხელშეკრულებით გათვალისწინებული პირობების დაცვა.

10. ხელშეკრულების პირობების და ფასების გადასინჯვა

10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, მხარეთა უფლებამოსილ წარმომადგენლებს შორის, რომელიც ჩაითვლება ხელშეკრულების განუყოფელ ნაწილად.

11. მხარეთა მიერ ვალდებულებების შეუსრულებლობა

- 11.1. წინამდებარე ხელშეკრულების 5.1., 5.4., 7.2. და 8.2. პუნქტებით განსაზღვრული ვადების დარღვევის შემთხვევაში, მხარეებს ეკისრებათ პირგასამტეხლო შეუსრულებელი ვალდებულების 0,02%-ის ოდენობით, ყოველ ვადაგადაცილებულ კალენდარულ დღეზე.
- 11.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 11.3. იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და ამ მუხლის 11.1. პუნქტით გათვალისწინებული ყოველ ვადაგადაცილებულ დღეზე დაანგარიშებული პირგასამტეხლოს ნაცვლად, მოსთხოვოს „მიმწოდებელს“ ერთჯერადი პირგასამტეხლო ხელშეკრულების ღირებულების 10%-ის ოდენობის სახით.
- 11.4. ამ მუხლით გათვალისწინებული საჯარიმო სანქციების გარდა, თითოეული მხარე ვალდებულია, აუნაზღაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი კანონმდებლობით დადგენილი პირობების შესაბამისად.

12. ფორს-მაჟორული სიტუაცია

- 12.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდით.
- 12.2. გადაულახავ ძალად ჩაითვლება შემდეგი (და არა მხოლოდ):
- 12.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
- 12.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;
- 12.2.3. ეპიდემიები;
- 12.2.4. ბლოკადა ან ნებისმიერი ეკონომიკური ემბარგო, ან საბიუჯეტო ასიგნებების მკვეთრი შემცირებით.
- 12.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება ან ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და/ან ცვლის, წყვეტს ან აჩერებს ხელშეკრულების დებულებებსა და პირობებს.
- 12.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.
- 12.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).
- 12.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 12.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 12.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასატანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.
- 12.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

13. ხელშეკრულების შეწყვეტა

- 13.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.
- 13.2. ხელშეკრულების 13.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.
- 13.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.
- 13.4. ხელშეკრულება აგრეთვე შეიძლება შეწყვეტილ იქნეს:
- 13.4.1. ურთიერთვალდებულებების შესრულებით.
- 13.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

14. დავები და მათი გადაწყვეტის წესი

- 14.1. მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.
- 14.2. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 14.3. თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს სასამართლოს.

15. ხელშეკრულების შესრულების გარანტია

- 15.1. „მიმწოდებლის“ მიერ სახელმწიფო შესყიდვების შესახებ ხელშეკრულების შეუსრულებლობით წარმოქმნილი რისკის აცილების მიზნით გამოიყენება გარანტირების მექანიზმის შემდეგი სახე – ხელშეკრულების საერთო ღირებულების 1%-იანი სადაზღვევო და/ან საბანკო გარანტია, რომელიც უნდა მოქმედებდეს არანაკლებ 2018 წლის --- ჩათვლით.
- 15.2. საბანკო გარანტია არ დაუბრუნდება „მიმწოდებელს“ თუ:
- 15.2.1. ხელშეკრულებით დადგენილ ვადებში ვერ უზრუნველყოფს საქონლის „შემსყიდველისათვის“ ჩაბარებას;

- 15.2.2. უარს იტყვის ხელშეკრულებით ნაკისრი ვალდებულებების შესრულებაზე;
- 15.2.3. საქართველოს კანონმდებლობით დადგენილ სხვა შემთხვევებში.
- 15.3. საბანკო გარანტია დაუბრუნდება „მიმწოდებელს“ თუ:
- 15.3.1. ხელშეკრულების მხარეები მიიღებენ გადაწყვეტილებას ხელშეკრულებით განსაზღვრული საქონლის შესყიდვის შეწყვეტის ან შეჩერების თაობაზე, რაც არ არის დამოკიდებული მხარეთა მიერ ხელშეკრულებით ნაკისრი ვალდებულების შეუსრულებლობაზე ან არაჯეროვან შესრულებაზე;
- 15.3.2. „მიმწოდებლის“ მიერ ნაკისრი ვალდებულებების შესრულებით;
- 15.3.3. საქართველოს კანონმდებლობით დადგენილ სხვა შემთხვევებში.

16. ხელშეკრულების მოქმედების ვადა

16.1. ხელშეკრულება ძალაშია ხელმოწერის დღიდან და მოქმედებს 201--- ჩათვლით.

17. სხვაპირობები

- 17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.
- 17.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეკუტაციას და ღირსებას.
- 17.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.
- 17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.
- 17.6. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებით, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.
- 17.7. წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა. შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით.
- 17.8. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არა უგვიანეს დადგენილი ვადის მომდევნო სამუშაო დღეს.
- 17.9. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.
- 17.10. ხელშეკრულება შედგენილია 6 (ექვსი) ფურცლად, 3 ეგზემპლარად და თითოეულ მათგანს თანაბარი იურიდიული ძალა აქვს. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი „შემსყიდველთან“.

18. მხარეთა იურიდიული მისამართები და რეკვიზიტები:

„შემსყიდველი“

სსიპ სოციალური მომსახურების სააგენტო
ქ. თბილისი, აკ. წერეთლის გამზ. №144
საიდენტიფიკაციო კოდი №202178927

ზაზა სოფრომაძე
დირექტორი

„მიმწოდებელი“

თბილისი, -----
სს „-----ბანკი“;
ბანკის კოდი -----
ა/ა №-----

საიდენტიფიკაციო კოდი -----

დირექტორი

პრეტენდენტის იურიდიული ფორმა და დასახელება:	
ხელმძღვანელის თანამდებობა, სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
ბანკის დასახელება/ბანკის კოდი	
ანგარიშსწორების ანგარიშის ნომერი:	
ტელეფონის ნომერი	
ელექტრონული ფოსტის მისამართი საკონტაქტო პირ(ებ)ის მითითებით, რომელზეც გაგზავნილი მოთხოვნა (შეკვეთა) ითვლება ოფიციალურ მოთხოვნად (შეკვეთად)	

(თანამდებობა, სახელი, გვარი)

(ხელმოწერა)

სატენდერო წინადადების ფასი, ფასების ცხრილი, მიწოდების ადგილი და ვადა

(შევსების თარიღი)
საქონელს გთავაზობთ

(თანხა ციფრებით) (თანხა სიტყვიერად)

(პრეტენდენტის დასახელება)

მოსაწოდებელი საქონლის დასახელება	რაოდენობა (სე)	წარმოშობის ქვეყანა/შწარმოებელი	მახასიათებელი	ერთეულის ფასი	მთლიანი ღირებულება	მიწოდების ადგილი	მიწოდების გრაფიკი
ჰეპარინი დაბალმოლეკულური	736 650 000					საქონელი მოწოდებული უნდა იქნეს პირობით: Incoterms-2010-ის შესაბამისად, DDP პირობა, სატენდერო დოკუმენტაციის 10.2. პუნქტით განსაზღვრული მისამართები	არაუმეტეს 56 640 000 სე – არაუგვიანეს 2017 წლის 1 მარტისა საქონლის დარჩენილი რაოდენობის მიწოდება განხორციელდება ეტაპობრივად, შემსყიდველის წერილობითი მოთხოვნის შესაბამისად, ამასთან არაუგვიანეს 5 სამუშაო დღისა შეტყობინების მიღების დღიდან შემსყიდველის წერილობით მოთხოვნაში განსაზღვრული ვადა არ უნდა იყოს მიმწოდებლის მიერ წერილის მიღებიდან 5 სამუშაო დღეზე ნაკლები

სულ: 736 650 000 ს.ე.

პრეტენდენტის ხელმოწერა _____

ხელშეკრულების შესრულების საგარანტიო უზრუნველყოფა

(საბანკო გარანტია)

ვის: -----

(შემსყიდველის დასახელება)

მხედველობაში ვიღებთ რა, რომ -----

(მიმწოდებლის დასახელება)

შემდგომში “მიმწოდებელმა” ----- ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

----- (თანხა ციფრებით)

(თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)